

هاتنا سه‌روکی بو دهوکی ... کنډال

پاش ریککه‌فتنا ستراتیژی دنا‌به‌را پارتی و یه‌کیتی، سه‌روک بارزانی سه‌ره‌دانا ده‌قه‌را دهوکی دکه‌ت و د گه‌ل ئالیین حزبی و حکومی و له‌شکه‌ری و هتد کوم دبیته‌قه.

بئ گومان ئه‌ف جوهره سه‌ره‌دانه زور دگرنگ و د جهی خودانه ل گور وی پیفه‌ری کو پبویسته ده‌م بو ده‌م سه‌ره‌دان و نیزیک بون دنا‌ف به‌را ده‌سته‌لاتی و جه‌ماوه‌ری دا هه‌بیت دا‌کو ده‌سه‌لات ژ ئیش و ژانیت جه‌ماوه‌ری خو ئاگه‌هدار بن. ئه‌ز ده‌می هزر د هاتنا جه‌نابی وی دا دکه‌م ل گور ئه‌وان ته‌وه‌ریین جه‌نابی وی د فان کومبونین جودا جودا د چه‌ند رۆژان دا ئازان‌دین بقی شیوه‌ی دبینم:

یا ئیککی: په‌یامه‌کی بو گشت کوردان رادگه‌هینت کو کورد پیدقی خو ئاماده‌کرنی نه‌ بو شه‌ره‌کی ل ئاینده‌کا نیزیک د گه‌ل عه‌ربا ئه‌فجا کیژ لایه‌ن بیت، یا گرنگ ئه‌وه به‌ره‌قی هه‌بیت بو قی مه‌به‌ستی، چونکه به‌رده‌وام هه‌لو‌یستی عه‌ربه‌بان ب نه‌رینی د بینین به‌رامبه‌ر چاره‌سه‌رکنا کیشا که‌رکوک. و جه‌نابی وی زور ب ئاشکرای باس ل هه‌بونا له‌شکه‌ره‌کی ریک و پیک کو ئاشنا بن ل سه‌ر کار ئانینا چه‌کی نوی، بو پاراستن و به‌ره‌قانی کرنی ژ ده‌سکه‌فت و به‌رژوه‌ندیین بلندیین ملله‌تی کورد دکر. بئ گومان ئه‌فه ئنترناتیفی هه‌ره به‌یژ د ده‌ستی کوردان دا بو جی به‌جی کرنا ماددی (140) کو گریدایه ب کیشا که‌رکوک، ئه‌گه‌ر هات ئاریشه که‌فتنه د ریکا جی به‌جی کرنا وی دا ل به‌ری دوماهیک هاتنا سالا 2007، و کورد ژ پشته‌فان و ملکه‌چین بو هه‌ر فرمانه‌کا ژ لایی جه‌نابی سه‌روکی قه‌ به‌یته دان.

یا دووم: ژ باس ل گه‌نده‌لی دکر کو هه‌موو دام و ده‌زگه‌هین حکومه‌تی و له‌شکه‌ری داپوشاندی و ده‌ستی وان یی خیانه‌تکارانه پیفه‌ هاتیه گریدان، به‌لی پاراکتک کرنا وی هزری کو پیدقیی ژ فه‌رمانبه‌ران ده‌ست پی به‌یته کرن چاره‌سه‌ریا دورسته یان نه‌. ل گور ره‌ئا من هوسا چاره‌سه‌ریا ئاریشی ناهه‌ته کرن چونکه گه‌نده‌لیا ئه‌فرو هه‌ریم ب گشتی دا پوشای سه‌ره‌کانیکین وی د ئاسته‌کی زور بلند دانه هه‌ر ژ پلا ریفه‌به‌ری بگره د ناف ده‌زگه‌هین حکومه‌تی دا تا‌کو بلندترین پله دحکومه‌تی دا و سزادانا فه‌رمانبه‌ران بتنی یا کیمه و چاره‌سه‌ریا وی ناهیته کرن. له‌ورا ب کورتی و کوردی دبیزم خه‌تا خار ژ گایی پیره.